

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-4998-6/21

Datum: 24.08.2021.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka b) i stav (2) tačka a) i d), a u vezi sa članom 70. stav (1), (4) i (6) Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-30-1-1859 od 08.04.2021. godine, u postupku javne nabavke redovnog održavanja motornih vozila u garantnom roku, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU
o poništenju postupka javne nabavke LOT 3, LOT 4, LOT 5

I

Poništava se postupak javne nabavke redovnog održavanja motornih vozila u garantnom roku za potrebe Uprave policije Ministarstva unutrašnjih poslova Kantona Sarajevo, i to:

- LOT 3 - redovno održavanje motornih vozila marke Peugeot u garantnom roku
- LOT 4 - redovno održavanje motornih vozila marke Citroen u garantnom roku
- LOT 5 - redovno održavanje motornih vozila marke Fiat u garantnom roku.

II

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu odluke broj: 02-11-4-4998/21 od 01.07.2021. godine i Obavještenja o nabavci broj: 16475-1-2-42-3-68/21 od 02.07.2021. godine, proveden je otvoreni postupak javne nabavke redovnog održavanja motornih vozila u garantnom roku za potrebe Uprave policije Ministarstva unutrašnjih poslova Kantona Sarajevo.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-4998-4/21 od 19.08.2021. godine, kojim je utvrdila slijedeće:

- da za LOT 3 - redovno održavanje motornih vozila marke Peugeot u garantnom roku je pristigla jedna ponuda ponuđača BLOK d.o.o. Sarajevo. Na strani 5. – 8. svoje ponude navedeni ponuđač je dostavio Rješenje o izmjenama podataka broj: 065-0-Reg-20-000192 od 24.01.2020. godine što nije u skladu sa tačkom 13.1. sposobnost obavljanja profesionalne djelatnosti (član 46. Zakona), tenderske dokumentacije. Navedenom tačkom traženo je da se dostavi: „Rješenje o upisu u sudski registar, aktuelni izvod iz sudskog registra ili ekvivalentan dokument iz kojeg je vidljivo da ima pravo da se bavi djelatnošću koja je predmet nabavke (original ili ovjerena kopija ne stariji od tri mjeseca, računajući od dana dostavljanja ponude)”. Iz navedenog se vidi da dostavljeno rješenje u ponudi ponuđača BLOK d.o.o. Sarajevo je starije od 3 (tri) mjeseca. Obrazac za cijenu ponude (Aneks II) nije pravilno ispunjen. Naime, u stavkama 1., 3. i 6.3. vršene su ispravke/prepravke brojeva. Isto nije izvršeno u skladu sa članom 18. stav (1) tačka m) Uputstva za pripremu modela tenderske dokumentacije i ponuda („Službeni glasnik BiH”, broj: 90/14 i 20/15). Takođe, pismena izjava iz člana 52. Zakona o javnim nabavkama u skladu tačkom 13.4. tenderske dokumentacije, te u

skladu sa Zakonom o javnim nabavkama i Uputstvom za pripremu modela tenderske dokumentacije i ponuda, nije ovjerena od strane nadležnog organa.

U skladu sa naprijed navedenim, ponuda ponuđača BLOK d.o.o. Sarajevo nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

U postupku predmetne javne nabavke Komisija je blagovremeno i pravilno organizovala otvaranje ponuda, o čemu je sačinila Zapisnik broj: 02-11-4-4998/21 od 23.07.2021. godine.

Zapisnički je utvrđeno da nije dostavljena nijedna ponuda u određenom krajnjem roku za:

- LOT 4 - redovno održavanje motornih vozila marke Citroen u garantnom roku
- LOT 5 - redovno održavanje motornih vozila marke Fiat u garantnom roku.

U postupku donošenja ove odluke je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, primjenom člana 69. stav 1. tačka b) i stav 2. tačka a) i d) Zakona o javnim nabavkama („Službeni glasnik BiH“, broj: 39/14), riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH.



POLICIJSKI KOMESAR
Generalni inspektor policije

Nusret Selimović

Dostaviti:

1. Sektoru za materijalno-finansijske poslove
2. Ponuđaču
3. Odjeljenju za odnose s javnošću, radi objave na web stranici ovog organa
4. a/a